



詩所第四十六卷

五言古詩

悼亡詩

三首

晉潘岳

荏苒冬春謝寒暑忽流易之子歸窮泉重壤永幽隔私
 懷誰克從淹留亦何益僂俛恭朝命迴心反初役望廬
 思其人入室想所歷幃屏無髣髴翰墨有餘跡流芳未
 及歇遺挂猶在壁悵恍如或存周遑一作惶忡驚惕如彼
 翰林鳥雙栖一朝隻如彼游川魚比目中路析春風緣
 隙來晨雷承簷滴寢息何時忘沉憂日盈積庶幾有時
 衰莊在猶可擊

皎皎窓中月照我室南端清商應秋至溽暑隨節闌凜

凜涼風升始覺夏衾單豈曰無重纊誰與同歲寒歲寒
無與同朗月何朧朧展轉眄枕席長簟竟牀空牀空委
清塵室一作空虛來悲風獨無李氏靈髣髴覩爾容撫衿
長歎息不覺涕霑一作淚沾曾霑曾安能已悲懷從中起寢
興目存形遺音猶在耳上慙東門吳下愧蒙莊子賦詩
欲言志此志難具紀命也可奈何長戚自令鄙

曜靈運天機四節代遷逝淒淒朝露凝烈烈夕風厲奈
何悼淑儷儀容永潛翳念此如昨日誰知已卒歲改服
從朝政哀心寄私制茵幃張故房朔望臨爾祭爾祭詎
幾時朔望忽復盡衾裳一毀撤千載不復引壘壘暮月

周戚戚彌相愍悲懷感物來泣涕應情墮駕言陟東臯
望墳思紆軫徘徊墟墓間欲去復不忍徘徊不忍去徒
倚步踟躕落葉委埏側枯荻帶墳隅孤魂獨煢煢安知
靈與無投心遵朝命揮涕強就車誰謂帝宮遠路極悲
有餘

思子詩

造化甄品物天命代虛盈柰何念稚子懷奇墮幼齡追
想存髣髴感道傷中情一往何時還千載不復生

悲從弟仲德

陶淵明

銜哀過舊宅悲淚應心零借問為誰悲懷人在九冥禮

五言古詩 卷四十一
服名羣從恩愛若同生門前執手時何意爾先傾在數
竟未免爲山不及成慈母沈哀疚二胤纔數齡雙位委
空館朝夕無哭聲流塵集虛坐宿草旅前庭階除曠遊
迹園林獨餘情翳然乘化去終天不復形遲遲將迴步
惻惻悲襟盈

宣貴妃挽歌

宋江智淵

袿襖來塵寂筵俎竟虛存雲松方靄露風草已聲原

除弟服

顏延之

徂沒離二秋掩泣備三冬往辰緬難紀來筭忽易窮升
沒淹暮晦灑掃易禮容縞衣變余體長逝歸爾躬

宴闌思舊

梁昭明太子統

孝若

明山

信儒雅稽古文敦淳茂

洽到

實俊朗文義縱

橫陳佐公

陸

持方介才學罕爲隣灌蔬

殷

寔溫雅摘藻

每清新余非狎異者惟舊且懷仁綢繆似河曲契闊等
漳濱如何離災盡眇漠同埃塵一起應劉念泫泫欲沾
巾

傷美人

簡文帝

昔聞倡女別蕩子無歸期今似陳王歎流風難重思翠
帶留餘結苔階沒故綦圖形更非是夢見反成疑熏鑪
含好氣庭樹吐華滋香燒日有歇花落無還時

五言古詩 卷四十一
懷舊詩 九首

沈約

元長秉奇調弱冠慕前蹤眷言懷祖武一篲望成峰途

艱行易跌命舛志難逢折風落迅羽流恨滿青松右傷王融

吏部信才傑文峯振奇響調與金石諧思逐風雲上豈

言陵霜質忽隨人事往尺璧爾何寃一旦同丘壤右傷謝朓

左一作右率馥時譽秀出冠朋僚聳茲千仞氣振此百尋

條蘊藉含文雅散朗溢風颺楸檟一作梧今已合容範尚

昭昭右傷庾杲之

長史體閒任坦蕩無外求持身非詭遇應物有虛舟心

從朋好盡形爲歡宴留歡宴未終畢零落委山丘右傷王謏

東南旣擅美洛陽復稱才携手同歡宴比跡共遊陪事

隨短秀落言歸長夜臺右傷虞炎

少府懷貞節忘軀濟所奉吏道勤不息繁文長自擁旣

闕優孟歌身沒誰爲寵右傷李珪之

韋叟識前載博物備戎華稅驟止營校淪跡委泥沙始

知庸聽局方悟大音賒右傷韋景猷

處和無近累天然有勝質蕭瑟負高情耿介懷秋實義

貴良爲重蘭摧非所恤一罷平生言寧知携手日右傷劉渢

一作劉佩

豫州懷風範綽然標雅度處約志不渝接廣情無忤頡

頡事刀筆紛綸遞朱素美志同山阿浮年迫朝露右傷胡諧

出郡傳舍哭范僕射

三首

任昉

平生禮數絕式瞻在國楨一朝萬化盡猶我故人情待
時屬興運王佐俟民英結懽三十載生死一交情携手
遁衰孽接景事休明運阻衡言革時泰玉階平濬冲得
茂彥夫子值狂生伊人有涇渭非余揚濁清將乖不忍
別欲以遣離情不忍一辰意千齡萬恨生
已矣平生事詠歌盈篋笥兼復相嘲謔常與虛舟值何
時見范侯還敘平生意

與子別幾辰經塗不盈旬弗覩朱顏改徒想平生人寧
知安歌日非君撤瑟晨已矣余何歎輟春哀國均

哭吳興柳惲

何遜

南州擅荆梓上國稱羽儀伊人以載德李公傷在期遠
識內無愠深衷外有規一作清文窮麗則弘論盡高奇
多能誠所貴小善聊復為百步均射葉八體妙臨池曲
悟同神解龜謀信有知入朝耿長劔出牧盛層麾納言
信加首豐貂亦在移霞區兩借寇貪泉一舉卮翰飛矯
未極朝露溘先危以茲舊館想况乃西日垂蔓草生車
轍枯木卧崩坻樽酒誰為滿靈衣空自披眷言尋惠好

五言古詩 卷四十六 五
慟哭悲路岐含毫徒有屬搦管竟無摛

傷內弟劉常侍

江淹

金壁自蕙質蘭杜信嘉名丹綵既騰迹華萼故揚聲伊
余方罷秀歎息向君榮誰疑春光曷何遽秋露輕遠心
惜近路促景怨長情風至衣袖冷况復蟪蛄鳴白露泐
漢沼明月空漢生長悲離短意惻切吟空庭注歎東郊
外流涕北山垆

傷友

吳均

可憐桂樹枝懷芳君不知摧折寒山裏遂成無人窺
和約法師臨友人
陶弘景

我有數行淚不落十餘年今日為君盡併灑秋風前

悼亾

沈約

去秋三五月今秋還照梁一作房今春蘭蕙草來春復吐
芳悲哉人道異一謝永銷亡簾屏既毀撤一作屏筵帷
席更施張游塵掩虛座孤帳覆空牀萬事無不盡徒令
存者傷

悼室人 十首

江淹

佳人永暮矣隱憂遂歷茲寶燭夜無華金鏡晝恒微桐
葉生綠水霧天流碧滋蕙弱芳未空蘭深鳥思時湘醺
徒有酌意塞不能持

五言古詩 卷四十六 六
適見葉蕭條已復花菴鬱帳裏春風盪簷前還燕拂垂
涕視去景摧心向徂物今悲輒流涕昔歡常飄忽幽情
一不弭守歎誰能慰

夏雲多襍色紅光鑠蕤鮮苒弱屏風草潭拖一作曲池
蓮黛葉鑑深水丹華香碧煙臨綵方自弔孽氣以傷然
命知悲不絕恒如注海泉

駕言出遊衍冀以滌心曾復值煙雨散清陰帶山濃素
沙匝廣岸雄虹冠尖峯出風舞森桂落日暖圓松還結
生不念楚客獨無容

秋至擣羅紈淚滿未能開風光肅入戶月華爲誰來結
眉向珠網瀝思視青苔鬢局將成葆帶減不須摧我心

若涵煙蓋蓋滿中懷
牕塵歲時阻閨蕪日夜深流黃夕不織寧聞梭杼音涼
靄漂虛座清香盪空琴蜻引知寂寥蛾飛測幽陰乃抱
生死悼豈伊離別心

顥顥氣薄暮款款清衾單階前水光裂樹上雪花圍庭
鶴哀以立雲雞肅且寒方東有苦淚承夜非膏蘭從此
永黯削萱葉焉能寬

抒悲情雖滯送任意所知空座幾時設虛帷無久垂暮
氣亦何勁嚴風照天涯夢寐無端際愒恍有分離意念

每失乖徒見四時虧

神女色姱麗乃出巫山湄透迤羅袂下鄣日望所思佳

人獨不然戶牖絕錦綦感此增嬋娟屑屑涕自滋清光

澹且減低意守空帷

二妃麗瀟湘一有乍一無佳人承雲氣無下此幽都當

追帝女迹出入泛靈輿掩映金淵側遊豫碧山隅曖然

時將罷臨風返故居

王尚書瞻祖日

何遜

昱昱丹旒振亭亭素蓋立金鐸謹已鳴龍輻將復入華

臺日未徙荒墳路行濕已矣將何如賓馭皆灑泣

傷韋侍讀

陳張正見

懷經傳北海蘊義盛西河高峯落迴照逝水沒驚波柳

下悲風急山陽秋氣多宿草摧書帶寒松脆女蘿無復

華陰市空餘蒿里歌

傷顧野王

一云在陳日解醒共哭
顧舍人

江總

獨酌一樽酒高詠七哀詩何言蒿里別非復竹林期塔

荒鄭公草戶間董生帷人隨暮朝一作槿落客共晚鶯悲

年髮兩如此傷心詎一作幾時

哭魯廣達

黃泉雖抱恨白日自留名悲君感義歿不作負恩生

傷章公大將軍

何胥

百萬橫行罷三千白日新短簫應出塞長笛反驚鄰
槐庭慘芳樹舞閣思陽春所悲金谷妓坐望玉關人

哭陳昭

思人適舊館寂寞非一源無復酣歌樂空餘燕雀喧
落暉隱窮巷秋風生故園撫孤空對此零淚欲奚言

和張記室源傷往

江總

小婦當壚夜夫壻凱歸年正歌千里曲翻入九重泉
機中未斷素瑟上本留弦空帳臨牕掩孤燈向壁然
還悲寒隴曙一作樹松短未生烟

和樊晉陵傷妾

陰鏗

畫梁朝日盡芳樹落花辭忽以千金笑長作九泉悲
鏡前塵劇粉機上網多絲戶餘雙入燕牀有一空帷
名香不可得何見返魂時

為徐陵傷妾

何曼才

遲遲衫掩淚憫憫恨縈胸無復專房日猶望下山逢

和陽一作楊侯送袁金紫葬

張正見

玄泉開隧道白日照佳城一朝嗟此路千載幾傷情
秋氣一作雨悲松色淒風咽挽聲歸雲向谷晚還柳背山輕
唯當三五夜壠月暫時明

五言古詩 卷四十一
傷顏協

一云懷舊詩或作梁元帝

北魏太武帝

弘都多雅度信乃含賓實鴻漸殊未昇上才淹下秩

相國清河王挽歌

溫子昇

高門詎改轍曲沼尚餘波何言吹樓下翻成薤露歌

趙郡王配鄭氏挽詞

北齊盧詢祖

君王盛海內伉儷盡寰中女儀掩鄭國嬪容映趙宮春
豔桃花水秋度桂枝風遂使叢臺夜明月滿牀空

傷王司徒喪

周庾信

昔聞王子晉輕舉逐神仙謂言君積善還得嗣前賢四
海皆流寓非爲獨播遷豈意中台圻君當風燭前自君

鍾鼎族江東

一作南

三百年寶刀仍世載瑊戈本舊傳綠

紱紆槐綬黃金飾侍蟬地建忠臣國家開孝子泉自能
枯木潤足得流水圓以君承祖武諸侯無間然青衿已
對日童子卽論天賴陰珠玉麗河陽脂粉妍名高六國
共價重十城連辯足觀秋水文堪題馬鞭迴鸞抱書字
別鶴繞琴弦擁旄裁甸服垂帷非被邊野亭空繫馬閒
烽直起煙不廢披書案無妨坐釣船茂陵忽多病淮陽
實未痊侍醫逾默默神理遂綿綿永別張平子長埋王
仲宣栢谷移松樹陽陵買墓田陝路秋風起寒堂已颯
焉丘楊一搖落山火卽時然昔爲人所羨今爲人所憐

王言詩言 卷四十一
世途旦復旦人情玄又玄故人傷此別留恨滿秦川定
名於此定全德以斯全唯有山陽笛悽余思舊篇

和王少保遙傷周處士

冥漠爾遊岱悽涼余向秦雖言異生歿同是不歸人昔
余仕冠蓋值子避風塵望氣求真隱伺關待逸民忽聞
泉石友芝桂不防身悵然張仲蔚悲哉鄭子真三山猶
有鶴五柳更應春遂令從渭水投弔往江濱

仰和何僕射還宅懷故

紫閣旦朝罷中臺夕奏稀無復千金笑徒勞五日歸步
簷朝未掃蘭房晝掩扉苔生理曲處網積迴文機故瑟
餘弦斷歌梁秋鴈飛朝雲雖可望夜帳定難依願憑甘
露入方假慧燈輝寧知洛城晚還淚獨沾衣

傷往 二首

見月長垂淚看花定斂眉從今一別後知作幾年悲
鏡塵言苦厚虫絲定幾重還是臨窓月今秋迴照松

送觀寧侯葬

王褒

蒙羽高峻極淮泗導清源刑茅廣裂地跼萼盛開蕃紛
綸彤臚彩從容瓊玉溫衝飈搖栢榦烈火壯曾崑疇昔
同羈旅辛苦涉涼暄觀風方聽樂垂淚遽傷魂造舟虛
客禮高閑掩賓垣桂樹思公子芳草惜王孫今晨向郊

郭猶似背輓轅丹旒書空位素帳設虛樽楚琴南操絕
韓書舊說存西靡傷新樹東陵惜故園自憐悲谷影彌
愴一作念玉關門餘輝盡天末夕霧擁一作起山根平原看
獨樹臯亭望列村寂寥還蓋靜荒茫歸路昏挽鐸已流
唱歌童行自喧睠言千載後誰將遊九原

送劉中書葬

昔別傷南浦今歸去北邙書生空託夢久客每思鄉塞
近邊雲黑塵昏野日黃陵谷俄遷變松栢易荒涼題銘
無復迹何處驗龜長

送吳法師葬

庾信

龍泉今日掩石洞卽時封玉匣摧談柄懸河落辯鋒香
鑪猶是栢塵尾更成松郭門未十里山迴已數重尚聞
香閣梵猶聽竹林鍾送客風塵擁寒郊霜露濃性靈如
不滅神理定何從

和許給事傷牛尚書弘

隋劉斌

名臣不世出百工之所求况乃非常器遭逢興運秋符
彩照千里銓衡綜九流經綸資博物樽俎寄皇猷韶濩
傾復理典禮紊還脩雖貞棟梁任兼好藝文游佇聞和
鼎實行當奉介丘高衢翻稅駕閔水遽遷舟傳呼更何
日曳履聞無由歸魂藐脩路征棹艤邗溝林薄長風慘

五言古詩 卷四十一
江上寒雲愁夜臺終不曙遺芳徒自留

傷顧學士

孔紹安

迢遰雙嶠道超忽三川湄此中俱失路思君不可思遊
人行變橘逝者遽焚芝憶昔江湖上同詠子衿詩何言
陵谷徙翻驚隣笛悲陳根非席卉總帳異書帷與善成
空說殲良信在茲今日嚴夫子哀命不哀時

悼亾

薛德音

鳳樓簫曲斷桂帳瑟弦空畫梁纔照日銀燭已隨風苔
生履跡處花沒鏡塵中唯餘長簟月永夜向朦朧

彭城王挽歌

盧思道

旭日禁門開隱隱靈輿發纔看鳳樓迥稍視龍山沒猶
陳五營騎尚聚三河卒容衛儼未一作歸空山照秋月

樂平長公主挽歌

粧樓對馳道吹臺臨景舍風入上春朝月滿涼秋夜未
言歌笑畢已覺生榮謝何時洛水湄芝田解龍駕

詩所第四十七卷

五言古詩

詠大德詩

晉支遁

遐想存玄哉沖風一何敞品物緝榮熙生塗連惚恍既

喪大澄真物誘則智蕩昔聞庖丁子揮戈在

一作任

神往

苟能嗣沖音攝生猶指掌乘彼來物間投此默照朗邁

度推卷舒忘懷附罔象交

一作天

樂盈胸襟神會流俯仰

大同羅萬殊蔚若充甸網寄旅海漚鄉委化同天壤

詠禪思道人

序曰孫長樂作道士坐禪之像并而讚之可謂因俯對以寄誠心求參焉

於衡輓圖巖林之絕勢想伊人之在茲余精其制作矣其嘉文不能默已聊著詩一首以繼于左

五言古詩 卷四十一
雲岑竦太荒落落英岳布迴壑佇蘭泉秀嶺攢嘉樹蔚
蒼微遊禽崢嶸絕蹊路中有冲希子端坐慕一作太素
自強敏天行弱志慾無欲玉質凌風霜淒淒厲清趣指
心契寒松綢繆諒歲暮會衷兩息間綿綿進禪務投一
滅官知攝二由神遇承蜩纍危丸累十亦凝注懸想元
氣地研幾革麤慮冥懷夷震驚怕古泊字然肆幽度曾筌
攀六淨空同浪七住逝虛乘有來未爲有待馭

詠懷詩

五首

傲兀乘尸素日徃復月旋弱喪困風波流浪逐物遷中
路高韻益窈窕欽重玄重玄在何許採真遊理間苟簡

爲我養逍遙使我閒寥亮心神瑩含虛映自然疊疊沈
情去彩彩冲懷鮮踟躕觀象物未始見牛全毛鱗有所
貴所貴在忘筌

端坐鄰孤影眇罔玄思劬偃蹇收神轡領畧綜名書涉

老哈

一作怡

雙玄披莊玩太初詠發清風集觸思皆恬愉

俯欣質文蔚仰悲二匠徂蕭蕭柱下迥寂寂蒙邑虛廓
矣千載事消液歸空無無矣復何傷萬殊歸一塗道會
貴冥想罔象掇玄珠悵快濁水際幾忘映清渠反鑒歸
澄漠容與含道符心與理理密形與物物踈蕭索人事
去獨與神明居

五言古詩 卷四十一
晞陽熙春圃悠緬歎時往感物思所託蕭條逸韻上尚
想天台峻髣髴巖階仰冷風灑蘭林管瀨奏清響霄崖
育靈藹神疏含潤長丹沙映翠瀨芳芝曜五爽茗茗重
岫深寥寥石室朗中有尋化士外身解世網抱朴鎮有
心揮玄拂無想隗隗形崖頽回回神宇敞宛轉元造化
縹瞥鄰大象願投若人蹤高步振策杖

閑邪託靜室寂寥虛且真逸想流巖阿朦朧望幽人慨
矣玄風濟一作皎皎離染純時無問道睡行歌將何因
靈溪無驚浪四岳無埃塵余將遊其隅解駕輟飛輪芳
泉代甘醴山果兼時珍修林暢輕跡石宇庇微身崇虛

習本照損無歸昔神曖曖煩情故零零沖氣新近非域

中客遠非世外臣憺怕一作澹爲無德孤哉自有鄰

坤基葩簡秀乾光流易穎神理速不疾道會無陵騁超

超介一作分石人握玄攬機領余生一何散分不諮天挺

沉無冥到韻變不揚蔚炳冉冉年往遂悠悠化期永翹

首希玄津想登故未正生途雖十三日已造死境願得

無身道一作理高栖沖默靖

述懷詩 二首

翔鸞鳴崑嶸逸志騰冥虛惚恍迴靈翰息肩棲南嶠濯
足戲流瀾採練銜神疏高吟漱芳醴頡頏登神梧蕭蕭

五言古詩 卷四十一 三
猗

一作

明翮眇眇育清軀長想玄運夷傾首俟靈符河

清誠可期戢翼令人劬

鬚角敦大道弱冠弄雙玄逡巡釋長羅高步尋帝先妙
損階玄老忘懷浪濠川達觀無不可吹累皆自然窮理
增靈薪昭昭神火傳熙怡安沖漠優游樂靜閒膏腴無
爽味婉變非雅絃恢心委形度壘壘隨化遷

五月長齋詩

炎精育仲氣朱離吐凝陽廣漢潛涼變凱風乘和翔令
月肇清齋德澤潤無疆四部欽嘉期潔已升雲堂靜晏
和春暉夕惕厲秋霜蕭條詠林澤恬愉味城傍逸容研

沖曠綵絲運宮商匠者握神標乘風吹玄芳淵注道行
深婉婉化理長壘壘維摩虛德音暢遊方單罕妙傾玄
絕致由近藏略略微容簡八言振道綱掇煩練陳句臨
危折婉章浩若驚颺散罔若揮夜光寓言豈所託意得
筌自喪霑霑妙習融靡靡輕塵亡蕭索情牖頽寥朗神
軒張誰謂冥津遐一悟可以航願爲海遊師權拖入滄
浪騰波濟漂客玄歸會道場

八關齋詩

三首序曰間與何驃騎期當爲合八關齋以十月二十二日集同意者在吳縣

土山墓下三日清晨爲齋始道士白衣凡二十
四人清和肅穆莫不靜暢至四日朝衆賢各去
余旣樂野室之寂又有掘藥之懷遂便獨住于
是乃揮手送歸有望路之想靜拱虛房悟外身

五言古詩 卷四十一
之真登山採藥集巖水之娛遂援筆染翰以慰
二二二之情

建意營法齋里仁契朋儔相與期良晨沐浴造閒丘穆
穆升堂賢皎皎清心脩窈窕八關客無捷自綢繆寂默
五習真疊疊勵心柔法鼓進三勸激切清訓流悽愴願
弘濟闔堂皆同舟明明玄表聖應此童蒙求存誠夾室
裏三界讚清休嘉祥歸宰相藹若慶雲浮

三海啟前朝雙懺暨中夕鳴禽戒朗旦備禮寢玄役蕭
索庭賓離飄颻隨風適踟躕路隅揮手謝內析輕軒
馳中田習習陵電擊息心投佯步零零振金策引領望
征人悵恨孤思積咄矣形非我外物固已寂吟詠歸虛

房守真玩幽蹟雖非一往遊且以閒自釋

靖一潛蓬廬愔愔詠初九廣漠排林篠流飈灑隙牖從
容遐想逸採藥登崇阜崎嶇升千尋蕭條臨萬畝望山
樂榮松瞻澤哀素柳解帶長陵岐婆娑清川右冷風解
煩懷寒泉濯溫手寥寥神氣暢欽若盤春藪達度冥三
才恍惚喪神偶遊觀同隱丘愧無連化肘

四月八日讚佛詩

三春迭云謝首夏舍朱明祥祥令一作日泰朗朗玄夕

清菩薩彩靈和眇然因化生四王應期來矯掌承玉形
飛天鼓弱羅騰擢散芝英綠瀾頽龍首縹縹翳流冷芙

五言古詩 卷四十一 五
渠育神葩傾柯獻朝榮芳津霈四境甘露凝玉瓶珍祥
盈四八玄黃曜紫庭感降非情想恬怕無所營玄根泯
靈府神條秀形名圓光朗東旦金姿艷春精含和總八
音吐納流芬馨跡隨因溜浪心與太虛冥六度啟窮俗
八解濯世纓慧澤融無外空同忘化情

詠八日詩

三首

大塊揮冥樞昭昭兩儀映萬品誕遊華澄清疑玄聖釋
迦乘虛會圓神秀機正交養衛恬和靈知溜性命動爲
務下尸寂爲無中鏡

真人播神化流淳良有因龍潜堯術邑漂景閭浮瀆佇
駕三春謝飛轡朱明旬八維披重藹九霄落芳津玄祇
獻萬舞般遮奏伶倫淳白凝神宇蘭泉渙色身投步三
才泰揚聲五道泯不爲故爲貴忘竒故竒神

緬哉玄古思想託因事生相與圖靈器像也像彼形黃
裳羅帕質元服拖緋青神爲恭者惠跡爲動者行虛堂
陳藥餌蔚然起竒榮疑似垂熾微我諒作者情於焉遺
所尚肅心擬太清

詠懷詩

史宗

有欲苦不足無欲亦無憂未若清虛者帶索被玄裘浮
遊一世間汎若不繫舟方當畢塵累栖志老山丘

觀化決疑

廬山諸沙彌

謀始創大業問道叩玄篇妙唱發幽蒙觀化悟自然觀
化化已及尋化無間然生皆由化化化更相纏宛轉
隨化流漂浪入化淵五道化爲海孰爲知化仙萬化同
歸盡離化化乃玄悲哉化中客焉識化表年

十喻詩

鳩羅摩什

十喻以喻空空必待此喻借言以會意意盡無會處既
得出長羅住此無所住若能映斯照萬象無來去

贈沙門法和

心山育明德流薰萬由延哀鸞孤桐上清音徹九天

報羅什偈

惠遠

本端竟何從起滅有無際一微涉動境成此頽山勢惑
相更相乘觸理自生滯因緣雖無主開途非一世時無
悟宗匠誰謂握玄契末問尚悠悠相與期暮歲

贈竺度

苕華

大道自無窮天地長且久巨石故叵消芥子亦難數人
生一世間飄若風過牖榮華豈不茂日夕就彫朽川上
有餘吟日斜思鼓缶清音可娛耳滋味可適口羅紈可
飾軀華冠可耀首安事自剪削耽空以害有不道妾區
區但令君恤後

答茗華

竺僧度

機運無停住倏忽歲時過巨石會當竭芥子豈云多良
由去不息故令川上嗟不聞榮啓期皓首發清歌布衣
可暖身誰論飾綾羅今世雖云樂當柰後生何罪福良
由已寧云已恤他

詠利城山居

支遁

五嶽盤神基四瀆涌蕩津動求目方智默守標靜仁苟
不宴出處託好有常因尋元存終古洞徃想逸民玉潔
箕巖下金聲瀨沂濱捲華藏紛霧振褐拂埃塵跡從尺
蠖屈道與騰龍伸峻無單豹伐分非首陽真長嘯歸林

嶺瀟灑任陶鈞

廬山東林雜詩

一作遊廬山

惠遠

崇巖吐清氣幽岫棲神跡希聲奏羣籟響出山溜滴有
客獨冥遊徑然忘所適揮手撫雲門靈關安足闕流一作
留心叩玄扃感至理弗隔孰是騰九霄不奮冲天翻妙
同趣自均一悟超三益

遊石門

序曰石門在精舍南十餘里一名障山基

連大嶺體絕衆阜闢三泉之會並立而開
流傾巖玄映其上蒙形表於自然故因以爲名
此雖廬山之一隅實斯地之奇觀昔傳之於舊
俗而未覩者衆將由懸瀨險峻人獸迹絕逕迴
曲阜路阻行難故罕經焉釋法師以隆安四年
仲春之月因詠山水遂杖錫而遊于時交徒同
趣三十餘人咸拂衣晨征悵然增興雖林壑幽

邃而開塗競造雖乘危履石並以所悅為安乃
援木尋葛歷險窮崖猿臂相引僅而造極于是
擁勝倚巖詳觀其下始知七嶺之美蘊奇於此
雙闕對峙其前重巖映帶其後巒阜周迴以為
障崇巖四營而開宇其中則有石臺石池宮館
之象觸類之形致可樂也清泉分流而合注淥
淵鏡淨於天池文石發彩煥若披面檉松芳草
蔚然光目其為神麗亦已備矣斯日也衆情奔
悅矚覽無厭遊觀未久而天氣屢變霄霧塵集
則萬象隱形流光迴照則衆山倒影開闔之際
狀有靈焉而不可測也乃其將登則翔禽拂翮
鳴猿厲響歸雲迴駕想羽人之來儀哀聲相和
若玄音之有寄雖髣髴猶聞而神以之暢雖樂
不期歡而欣以永日當其冲豫自得信有味焉
而未易言也退而尋之夫崖谷之間會物無主
應不以情而開興引人致深若此豈不以虛明
朗其照開邃篤其情耶並三復斯談猶昧然未
盡俄而太陽告夕所存已往乃悟幽人之玄覽
達恒物之大情其為神趣豈山水而已哉于是
徘徊崇嶺流目四矚九江如帶丘阜成垤因此
而推形有巨細智亦且然迺喟然歎宇宙雖遐
古今一契靈鷲邈矣荒途日隔不有哲人風跡
誰存應深悟遠慨焉長懷各欣一遇之同歡感
良辰之難再情發於中途共詠之云爾

廬山諸道人

超興非有本理感興自生忽聞石門遊奇唱發幽情褰
裳思雲駕望崖想曾城馳步乘長巖不覺質有輕矯首
登靈闕眇若凌太清端坐運虛論轉彼玄中經神仙同
物化未若兩俱冥

八月侍華林曜靈殿八關齋 宋謝莊

玉桴乘夕遠金枝終夜舒澄淳玄化闡希微寂理孚

維摩經十譬贊

謝靈運

水性本無泡激流遂聚沫即異成狀貌消散歸虛壑君
子識根本安事勞與奪愚俗駭變化橫復生欣怛右聚沫泡

性內相表狀非炎安知火新新相推移熒熒非向我如

何滯著人終歲迷因果右燄

生分本多端芭蕉知不一含萼不結核敷華何由實至

人善取譬無宰誰能律莫昵緣合時當視分散日右芭蕉

幻工作同異誰謂復非真一從逝物過既往亦何陳謬

者疑久近達者皆自賓勿起離合情會無百代人右聚幻

覺謂寢無知寐中非無見意狀盈眼前好惡迭一作萬迷

變既悟眇已往惜為浮物戀孰視婆娑盡寧當非赤縣

右夢

影響順形聲資物故生理一旦揮霍去何因相像似羣

有靡不然昧漠乎自已四色尚無本八微欲安恃右影響合

泛濫明月陰蒼蔚南山雨能為變動用在我竟無取俄

已就飛散豈復得攢聚諸法既無我何由有所右浮雲

倏爍驚電過可見不可逐怕物生滅後誰復覈遲速慎

勿空留念橫便神理恣發已道易乎忘情長之福右電

過瞿溪山僧

迎旭凌絕嶝映泫歸澈浦鑽燧斷山木掩岸堦石戶結

架非丹薨藉田資宿莽同遊息心客暖然若可睹清霄
颺浮煙空林響法鼓忘懷狎鷗鯁攝生馴兕虎望嶺眷
靈鷲延心念淨土若乘四等觀永拔三界苦

石壁立招提精舍

四城有頓躋三世無極已浮歡昧眼前沈照貫終始壯
齡緩前期頽年追暮齒揮霍夢幻頃飄忽風電起良緣
迨未謝時逝不可俟敬擬靈鷲山尚想祇洹軌絕溜飛
庭前高林映窓裏禪室栖空觀講宇析妙理

淨行詩 十首

齊王融

冥津殊復曉高聽亦能卑陰墻雖兩密幽夜有四知炎

山翻裂火冰澗而寒漸羅城振雲幕鋒樹鬱霜枝茹荼
非云苦集木豈稱危求仁曾已得長歎欲何為

韞石諒非真飾瓶信為假竊服臯門上濫吹溜軒下鳳
祀徒驚心騶文終好野實相豈或照浮榮未能捨迹殊
冠冕客事襲驅馳者已矣歇鄭聲無然亂周雅

處塵貴不染被褐重懷珠美玉曜幽石曾蘭挺叢芻四

氏一作民不為侶三界豈能渝諒茲親愛沫寧以財利拘

煩流捨智寶榛路坦夷途萬品竟何匹裂火樹紅芙蓉一作

跌途一作衢

心怨動紛繞情怡輒遷互歡愛一離遠傷憂坐衰暮連

五言古詩 卷四十一
幌結清陰高臺起風露腐毒緣芳旨天伐實修媿慾網
必虧生繁冒或全兔眇眇夜何期悠悠終肯悟

端襟測煩海矯步寫埃氛三受猶絕雨八苦若浮雲輪
心仰圓極罄質委方墳朝遊淨國侶暮集靈山羣燈祇
開遠照香宇薦嘉薰俛首睇人俗信矣靜爲君

生塗非一理識緒固饒津徒駭東陵富空嗟北郭貧國
生曾已戾顏氏信爲仁逢尤昭往業習善會茲身勤憂
永夷泰晏安終苦辛令名且云重豈若樹良因

神膏施唯重玄酒恩未隆明幾隋水上潤玉藍田中稟
天性所極資敬道攸崇羽毛共以勢輪軌相爲通報德
愴前雅酌言愛餘風遵塗每多舛顧省能無忡

冬狐狸豐毳春蠶緒輕絲形骸翻爲阻心識還自欺華
榮羈卅日生平少年時驅車追俠客酌酒弄妖姬但念
目前好安知身後悲惕然一以愧永與情愛辭

蘭室改蓬心旃崖變伊草丹青有必渝絲礫一作素豈常

皓曲轅且繩直詭木遂彫藻一簣或成山百里倦中道
隆一作崇漢乃王臣大楚信元保勉矣德不孤至言匪虛

造

金山嚴寶仞瓊畹列瑤蕙墻狐議不窟檐燕豈能棲淨
花莊思序慧沼盥身倪六羣儻未一七衆固恒齊端儀

有直景正道無傾蹊維宮超以悟襄野竟何迷

棲玄寺聽講畢遊邱園七韻 應司徒教

道勝業茲遠心閒地能隙桂棹鬱初栽蘭墀坦將闢虛
檐對長嶼高軒臨廣液芳草列成行嘉樹紛如積流風
轉還逕清煙泛喬石日汨山照紅松映水華碧暢哉人
外賞遲遲眷西夕

秋夜講解

謝朓

四緣去誰肇七識習未央沈沈一作淵淵倒營魄苦蔭感愁
腸琴瑟徒爛熳姸容空滿堂春顏遽幾日秋壘終茫茫
孰云濟沈溺假願託津梁惠唱摛泉湧妙演發金相空

有定無執賓實固相忘自來乘首夏及此申暮霜雲物

清晨景衣巾引夕涼風振蕉蓮裂霜下梧楸傷一作露下梧桐

位傷六龍且無借三相寧久長何時接靈應及子同舟航

會三教 會一作述

梁武帝

少時學周孔弱冠窮六經孝義連方冊仁恕滿丹青踐
言貴去伐為善存好生中復觀道書有名與無名妙術
鏤金版真言隱上清密行貴陰德顯證表長齡晚年開
釋卷猶日映衆星苦集始覺知因果乃方明示教惟平
等至理歸無生分別根難一執著性易驚窮源無二聖
測善非三英大椿徑億尺小草裁云萌大雲降大雨隨

分各受榮心想起異解報應有殊形差別豈作意深淺
固物情

奉和

簡文帝

聚沫多緣假標空非色香漢君雖起夢晉后徒降祥玄
機昔未辯洞鑒資我皇

奉和

釋智藏

心源本無二學理共歸真四執迷叢藥六味增苦辛資
緣良雜品習性不同循至覺隨物化一道開異津大士
流權濟訓義乃星陳周孔尚忠孝立行摩君親老氏貴
裁欲存生由外身出言千里善芬爲窮世珍理空非卽

有三明似未臻近識封岐路分鑣疑異塵安知悟云漸
究極本同倫我皇體斯會妙鑒出機神眷言總歸轡廻
照引生民顧惟慙宿植邂逅逢嘉辰願陪入明解歲暮
有攸因

十喻 五首

武帝

揮霍變三有恍惚隨六塵蘭園種五果彫案出八珍對
見不可信熟視事非真空生四岳想徒勞七識神著幻
是幻者知幻非幻人 右幻

亂念矚長原例見望遙局透迤似江漢汎濫若滄溟金
波揚素沫銀浪翻綠萍遠思如可取近至了無形熱緣

五言古詩 卷四十七
熱惚逼渴

一作

愛渴心生

右如炎

物情異所異世心同所同狀如薪遇火亦似草行風迷
惑三界裏顛倒六趣中五愛性洞遠十相法靈冲皆從
妄所妄無非空對空

右靈空

靈海自巳極滄流去無邊蜃蛤生異氣闍婆鬱中天青
城接丹霄金樓帶紫煙皆從望見起非是物理然因彼
凡俗喻此中玄又玄

右乾闥婆

甘寢隨四坐蓋睡依五衆違從競分評美惡相戲弄出
家爲上首入仕作梁棟色已非真實聞見皆靈洞長眼
出長夜大覺和

一作

大夢

右夢

遊鍾山大愛敬寺

曰予受塵縛未得留蓋纏三有同永夜六道等長眠才
性之方便智力非善權生住無停相刹那卽徂遷歎逝
比悠稔交臂乃奢年從流旣難反弱喪謂不然二苦常
追隨三毒自燒然貪癡養憂畏

一作

熱惱坐焦煎道心

理歸終信首故宜先駕山追善友回輿尋勝緣面勢周
大地縈帶極長川稜層疊嶂遠迤邐隘道懸朝日照花
林光風起香山飛鳥發差池出雲去連綿落英分綺色
墜露散珠圓當道蘭蘿靡臨堦竹便娟幽谷響嚶嚶石
瀨鳴濺濺蘿短未中攬葛嫩不任牽攀緣傍玉澗褰陟

度金泉長途弘翠微香樓間紫煙慧居超七淨梵住踰
八禪始得展身敬方乃遂心虔苦提聖種子十力一作萬
良福田正趣果上果歸依天中天一道長死生有無離
二邊何待空同右豈羨汾陽前以我初覺意貽爾後來
賢

奉和

昭明太子統

唐遊薄汾水周載集瑤池豈若欽明后迴鸞驚嶺岐神
心鑒無相仁化育有為以茲惠日照復見法雨垂萬邦
躋仁壽兆庶滌塵羈望雲雖可識日用豈能知鴻名冠
子姒德澤邁軒羲班班仁獸集匹匹翔鳳儀善遊茲勝

地茲岳信靈竒嘉木互紛紜層峰鬱蔽虧丹藤繞垂榦
綠竹蔭清池舒華匝長阪好鳥鳴喬枝霏霏慶雲動靡
靡祥風吹谷虛流鳳管野綠映丹麾帷宮設屋外帳殿
臨郊垂俯同南風作斯文良在斯伊臣限監國即事阻
陪隨顧惟實庸菲冲薄竟奚施至理徒興羨終然類管
窺上聖良善誘下愚慚不移

天安寺疏圃堂

武帝

乘和蕩猶豫此焉聊止息連山去無限長洲望不極參
差照光彩左右皆春色曖曖矚遊絲出沒看飛翼其樂
信難忘翛然寧有飾一作極

奉和

庾肩吾

北宮

一作堂

多暇豫時駕總鑾鑣路靜繁葭撤輪移羽蓋

飄臨空生飛觀回首望浮橋風長曙鐘近地迴洛城遙
疎林不礙日涸浦暫通潮徒然等賓從並作愧羣僚

鍾山解講

昭明太子統

清宵出望園詰晨屆鍾嶺輪動文學乘笳鳴賓從靜暎
出巖隱光月落林餘影糾紛入桂密坡陁再城永伊予
愛丘壑登高至節景迢遞觀千室迤邐觀萬頃卽事已
如斯重茲遊勝境精理既已詳玄言亦兼逞方知惠疑
蕙帶人囂虛成易屏眺瞻情未終龍鏡忽遊騁非日樂

逸遊意欲識箕頽

奉和

蕭子顯

嵩岳基舊宇盤頽跨南京叡心重禪室遊駕陟層城金
輅徐旣動龍驂躍且鳴塗方後塵合地迴前笳清邈迤
因臺榭參差憇羽旌高隨閩風極勢與元天并氣歇連
松遠雲昇秋野平徘徊臨井邑表裏見淮瀛一作果
尊常住渴慧在無生暫留石山軌欲知芳杜情鞠躬荷
嘉慶瞻道聞頌聲

奉和

劉孝綽

御鶴翔伊水策馬出王田我后遊祇鷺比事實光前翠

五言古詩 卷四十一
蓋承朝景朱旗曳曉煙樓帳縈巖谷緹組曜林阡况在
登臨地復及秋風年喬柯變夏葉幽澗潔涼泉停鑿對
寶座辯論悅人天淹塵資海滴昭暗仰燈然法朋一已
散笳劔儼將旋邂逅逢優渥託乘侶才賢摛辭雖並命
遺恨獨終篇

奉和

劉孝儀

詔

一作詔

樂臨東序時駕出西園雖窮理

禮

一作遊盛終爲

塵俗喧豈如弘七覺揚鸞啟四門夜氣清簫管曉陣爍
郊原山風亂采眊初景麗文轅林開前騎騁逕曲羽旄
屯煙壁浮青翠石瀨響飛奔迴輿下重閣降道訪真源

談空匹泉涌綴藻邁弦繁輕生逢遇誤竝作輩龍鶴顧
已同偏爵何用挹衢樽

奉和

陸倕

終南鄰漢闕高掌跨周京復此虧山嶺穹窿距帝城當
衢啟珠館臨下構山楹南望窮淮漵北眺盡滄溟步簷
時中宿飛階或上征網戶圖雲氣龕室畫仙靈副君憐
世網廣命萃人英道筵終后說鑿鑿出郊垆雲峰響流
吹松野映風旌睿心嘉杜若神藻茂琳瓊多謝先成敏
空頒後乘榮

同泰僧正講

序曰大正以貴俗兼解鬱爲善歌璉師以行有餘力緣情繼響余自法席

既闌便思和寂杼軸二年濡翰兩器大正今春復為同泰建講法輪將半此作方成所以物色不同序事或異

昭明太子統

放光聞鷲岳金牒秘香城窮源絕有際離照歸無名若
人聆至寂寄說表真冥能令梵志遣亦使羣魔驚寶珠
分水相須彌會色形學徒均染疊遊士譬春英伊予寡
空智徒深愛怯疑作情舒金起祇苑開筵慕肅成年鍾
疑作從變弦望聚疑作舒盈今聞火一作林聚淨土接承
明掖影連高塔法鼓亂嚴更雷聲芳樹長月出地芝生
已知法味樂復悅玄言清何因動飛轡暫使塵勞輕

玄圃講

白藏氣已暮玄英序方及稍覺蟿聲悽轉聞鳴鴈急穿
池狀浩汗築峰形蝶吸盱雲綠宇陰晚景乘軒入風來
幔影轉霜流樹條濕林際素羽翾漪間頰尾吸試欲遊
寶山庶攸信根立名利白巾談筆札劉王給茲樂踰笙
磬寧止消涓邑疑作雖娛慧有三終寡聞知十

東齋聽講

昔聞孔道貴今觀釋花疑作珍至理乃悟寂承稟實能
仁示教雖三微妙法信平均信言一鄙俗延情方慕真
庶茲祛八倒冀此遣六塵良思大車道方願寶船津長
延永生肇庶席諒徐陳是節朱明季灼爍治渠新霏雲

出翠嶺涼風起清蘋既餐甘露旨方欲書諸紳

講席將訖賦三十韻詩依次用

法苑稱嘉柰慈園羨脩竹靈覺相招影神仙共棲宿惠

義比瑤瓊薰染猶

一作

蘭菊理玄方十筭功深似九築

華水警銀舟方衢列金軸微言絕已久煩勞多累蓄因

茲闡慧雲欲使心塵伏八水潤焦芽三明啟羣日寶鐸

且參差名香晚芬郁暫捨六龍駕

一作

微祛二鼠蹙意

樹發空花心蓮吐輕馥喻斯滄海變譬彼菴羅熟妙智

方縉錦深詞同霧縠善學同梵爪真言異銅腹逶迤合

蓋城歲蕤布金郁珠華陰八溪玉流通九谷青禽乍下

上雲鴈飛翻覆高談屬時聽寡聞終自慙日麗鴛鴦瓦

風度蜘蛛屋落藹散遠香霏雲卷遙族曠濟同象園中

乘如佇獨後談難堅明初心易驚縮應當離花水無令

乖漆木投巖不足貴棘林安可宿器月希留影心灰庶

方撲視愛同采蜂遊善如原菽八邑仙人山四寶神龍

澳藥樹永繁稠禪枝詎凋槭

一作

以茲悅聞道庶此優

馳逐願追露寶車脫屣親推轂

開善寺法會

栖鳥猶未翔命駕出山莊詰屈登馬嶺迴互入羊腸稍
看原藹藹漸見岫蒼蒼落星埋遠樹新霧起朝陽陰池

宿早鴈寒風催夜霜茲地信閒寂清曠惟道場玉樹琉璃水羽帳鬱金牀紫柱珊瑚地神幢明月璫牽蘿下石磴攀桂陟松梁澗斜日欲隱煙生樓半藏千祀終何邁百代歸我皇神功照不極睿鏡湛無方法輪明暗室一作知慧海渡慈航塵根久未洗希霑垂露光

蒙預懺直疏詩

一作蒙預懺悔

簡文帝

皇情矜幻俗聖德愍重昏制書開攝受絲綸廣慧門時英滿君囿法侶盛天園俱銷五道縛共蕩四生怨一作三脩一作循一作祛愛馬六念靜心猿庭深林一作仗一作彩艷地寂鳥一作伎一作聲喧上風吹法鼓垂鈴鳴畫軒新梅含未發落

桂聚還翻早煙葳石磴寒潮浸水門一朝蒙善誘方願遣籠樊

和太子懺悔

武帝

玉泉漏向盡金門光未成繚繞聞天樂周流揚梵聲蘭湯浴身垢懺悔淨心靈萋草獲再鮮落花蒙重榮

奉和

二首皇太子懺悔詩仍上皇宸極聖旨即疏降同所用十韻私心慶躍得未曾有指採餘韻更題鄙拙

王筠

一聖智比明帝德光四海荷負誠攸屬度脫實斯在懺說濟蒙愚推心屏欺殆名僧引定慧朝纓列元凱還迷依善導反心由真宰和鈴混吹音勝幡榮雪彩早蒲欲

五言古詩 卷四十一
二十一
抽葉新篁向舒筴翹勤諒懇到歸誠信兼倍睿艷似煙
霞欄杆若珠琲善誘雖欲繼含毫愧文采
習惡歸禮懺有過稱能改聖德及羣生唱說信兼採翹
心蕩十惡邈誠銷五罪三縛解智門六塵清法海超然
故無著逍遙新有待

蒙華林園戒詩

簡文帝

庸夫耽世樂俗士重虛名三空既難了八風恒易傾伊
余久齊物本自一枯榮弱齡愛箕穎由來重伯成非爲
樂肥遯特是厭逢迎執珪守蕃國主器作元貞昔日書
銀字久自恧宗英斯焉佩金璽何由廣德聲一作馨居高

常慮缺持滿每憂盈茲言信非矯丹心良可明舟航奉
睿訓接引降皇情心燈朗暗室牢舟出愛瀛是節高秋
晚沈寥天氣清郊門光景麗祈年雲霧生紅蕖間青瑣
紫露濕丹楹葉疎行逕出泉溜遠山鳴綠衿依浦戍絳
穎拂林征庶蒙八解益方使六塵輕脫聞時可去非爰
舍重城

旦出興業寺講詩

沐芳肅朝帶駕言抵淨宮羽旗承去影鏡吹雜還風吳
戈夏服箭驥馬綠沈弓水照柳初碧煙含桃半紅由來
六塵縛宿昔五纏朦見鶴徒知謬察象理難一作還同方

知恧四辯奚用語三空

侍講詩

物善渥深慈監撫宣王事英邁八解心高超七花意

十空 六首

漢安設大響周穆置高臺三里生雲霧瞬息起冰雷空
持生識縛徒用長心災慧人恒棄捨庸識屢遭迴六塵
俱不實三界信悠哉 右如幻

圓輪既照水初生亦映流溶溶如清璧的的似沉鈎非
關顧免沒豈是桂枝浮空令誰雅識還用喜騰猴萬累
若消蕩一相更何求 右水月

疊嶂迴叅差連峰鬱相拒遠聞如句咏遙應成言語竟
無五聲實誰謂八音所空成顛倒羣徒迷塵縛侶愍哉
火宅中茲心良可去 右如響

祕駕良難辯司夢並成虛未驗周爲蝶安知人作魚空
聞延壽賦徒勞岐伯書潛令六識擾安能二惑除當須
耳應滿然後會真如 右如夢

朝光照皎皎久漏轉駸駸晝花斜色去夜樹有輕陰並
能興眼入俱持動惑心息形影方止逐物慮恒侵若悟
假名淺方知實相深 右如影

精金宛成器懸鏡在高堂後挂七龍網前發四珠光迴

望疑垂月傍瞻譬壁璫仁壽含萬類淮南辯四鄉終歸
一匹有何關至道場右鏡象

賦詠五陰識枝詩

澆淳混神因心形復依色欲浪逐情飄愛網隨心織鑄
金雖改狀斬籌方未極鴿觀既無辯猿攀此焉息

望同泰寺浮圖

遙看官佛圖帶壁復垂珠燭銀踰漢汝寶鐸邁昆吾日
起光芒散風吟宮徵殊露落盤恒滿桐生鳳不雛飛幡
雜晚虹畫鳥狎晨鳧梵世凌空下應真蔽景趨帝馬咸
千轡天衣盡六銖意樂開長表多寶現金軀能令苦海

渡復使慢山踰願能同四忍長當出九居

踰漢汝一作
輸漢女

奉和

庾肩吾

望園臨柰苑王城對鄴宮還從飛閣內遙見岬山中天
衣疑拂石鳳翅欲凌空雲薨猶帶雨蓮井不生桐盤承
雲表露鈴搖天上風月出琰舍采天晴幡帶虹周星疑
更落漢夢似今通我后情一作懷初照不與伊川同方應
捧馬出永得離塵蒙采一作水

奉和

王訓

副君坐飛觀城傍屬大林王門雖八達露塔復千尋重
櫺出漢表層拱冒雲心崑山雕潤玉麗水瑩明金懸盤

同露掌垂鳳似飛禽月落簷西暗日去柱東侵反流開
睿屬搦翰動神襟願託牢舟返長免愛河深

奉和

王臺卿

朝光正晃朗涌塔標千丈儀鳳異靈烏金盤代仙掌積
拱成雕楠高簷挂珠網寶地若池沙風鈴如樹響刻削
生千變丹青圖萬象烟霞時出沒神仙乍來往晨霧半
層生飛幡接雲上遊蜺不敢息翔鷗詎能仰讚善資哲
人流詠歸明兩願假舟航末彼岸誰云廣

奉和

周庾信

岩岩凌太清照殿比東京長影臨雙闕高層出九城拱

積行雲礙幡搖度鳥驚鳳飛如始泊蓮合似初生輪重
對月滿鐸韻擬鸞聲畫水流全住圖雲色半輕一作行露
晚盤猶滴珠朝火更明雖連博望苑還接銀沙城天香
下桂殿仙梵入伊笙庶聞八解樂方遣六塵情

徃虎窟山寺

簡文帝

塵中喧慮積物外衆情捐茲地信爽塏墟壘曖阡綿藹
藹車徒邁飄飄旌旒懸細松斜遶逕峻嶺半蔽天古樹
無枝葉荒郊多野煙分花出黃鳥挂石下新泉蒼鬱均
雙樹清虛類八禪栖神紫臺上縱意白雲邊徒然嗟小
藥何由齊大年

五言古詩 卷四十一
二十五
奉和

陸罩

鷄鳴動睟駕柰苑睠晨遊朱鑣陵九達青蓋出層樓歲
華蒲芳岫虹彩被春洲葆吹臨風遠旌羽映九旂喬枝
隱脩逕曲澗聚輕流徘徊花草合瀏亮鳥聲適金盤響
清梵涌塔應鳴桴慧雲方靡靡法水正悠悠實歸徒荷
教信解愧難訓

奉和

鮑至

神心睠物序訪道絕塵囂林疎蓋影出風去管聲遙息
徒依勝境稅駕止山椒年還節已仲野綠氣方韶短葉
生喬樹踈花發早條遠峯帶雲沒流烟雜雨飄復茲承

乏者頌名厠末僚願藉連河澗庶影慧燈昭一知衣內
寶方慙一作悲茲地遼

奉和

王臺卿

我王宗勝道駕言從所之輜軒轉朱轂驪馬躍青絲清
渠影高蓋遊樹拂行旗賓徒紛雜沓景物共依遲飛梁
通澗道架宇接山基叢花臨迴砌分流繞曲墀誰言非
勝境雲山獨在茲塵情良易著道性故難緇承恩奉教
義方當弘受持

奉和

王回

美境多勝迹道場實茲地造化本靈竒人功兼製置房

五言古詩 卷四十一 二十六
廊相映屬堦閣並殊異高明留睿賞清淨穆神思豫遊
窮嶺歷藉此方春至野花奪人眼山鶯紛可喜風景共
鮮華水石相輝媚法像無塵染真僧絕名利陪遊既伏
心聞道方刻意

奉和

孔熹

聖情想區外脂駕出西南前驅聞鳳管後乘躍龍驂爰
遊非逸豫幽谷有靈龕兼覲息心者宴坐臨清潭禪食
寧須稼雲衣不待蚕蘋荇綠澗壑蘿葛蔓松楠鶯林響
初轉春畦藥欲含惑心隨教遣法味與恩覃庶憑八解
力永滅六塵貪

遊光宅寺

應令

簡文帝

陪遊入舊豐雲氣鬱青葱紫陌垂青柳輕槐拂慧風八
泉光綺樹四柱暖臨空翠網隨煙碧丹花共日紅方欣
大雲溥慈波流淨宮

夜望浮圖上相輪絕句

光中辯垂鳳霧裏見飛鸞定用方諸水持添承露盤

和劉尚書侍五明集詩

一作和劉尚書侍講

元帝

帝德洽區宇垂衣彰太平黃唐慙懋實子姒惡嘉聲治
家陳五禮功成奏六英汲引留宸鑒舟航動睿情法王
唯一法無生信不生因因從此見果果自斯明元良仰

五言古詩 卷四十一
副后舍一震鴻名龜藏踰啓筮魯史冠春卿日宮佳氣
滿月殿善風清綺錢蔽西觀緹幔卷南榮金門練朝鼓
玉壺休夜更宮槐留曉合城烏侵曙鳴露光枝上宿霞
影水中輕虛薄今何事徒知戀法城

迎舍利

宣帝

釋迦稱散體多寶號金軀白玉誠非比黃金良莫踰變
見絕言象端異乃冥符靈知雖隱顯妙色豈榮枯唯當
千劫後方成無價珠

吳中禮石佛

江淹

幻生太浮詭長思多沈疑疑思不慙炤詭生寧盡時敬

承積劫下金光鑠海湄火宅斂焚炭藥草匪惠一作滋
常願樂此道誦經空山坻禪心暮不雜寂行好無私軒
騎久已訣親愛不留遲憂傷漫漫情靈意終不淄誓尋
青蓮果永入梵庭期

和王衛軍解講

沈約

妙輪輟往駕寶樹未開音甘露爲誰演得一標道心眇
眇玄塗曠高義總成林七花屏塵相八解濯芳襟

和太子重雲殿受戒

庾肩吾

皇明執東曜帝辰居北辰小乘開治道大覺拯蒼民殊
塗同義路分流合智津傳香引上德列仗進名臣連閣

翻如畫圖雲更似真鏡山銜殿影梅梁落梵塵苑桂恒
留雪天花不待春萬年逢瑞應千生值法身天衣初拂
石豆火欲燃薪重善終無一作無論報輕毛庶有因

前題

釋惠令

沈寥秋氣爽搖落寒林疎風散飛廉雀浪動昆明魚是
日何爲盛證戒奉皇儲願陪升自在神通任卷舒

八關齋

沈約

因戒倦輪飄習障從塵染四衢道難闢八正扉猶掩得
理未易期失路方知險迷塗旣已復豁悟非無漸

四城門

六龍旣驚軫二鼠復馳光衰齡難慎輔暮質易凋傷

八關齋夜更賦四城門

伏枕愛危光痾纏生易折無因雪岸草慮反砒山穴徐防

消渴腴腸腑疼寒嬰肢節如何促齡內憂苦無暫缺孔熹

右東城門病

虛蕉誠易犯危藤復將嚙一隨柯已微當年信長訣諸葛

已同白駒去復類紅花熱妍容一旦罷孤燈行自設

君右南城門老

綏心雖殊用滅景寧優劣一隨業風盡終歸虛妄設王臺

五陰誠爲假六趣寧有截零落竟同歸憂思空相結

五言古詩 卷四十一
李鏡遠右西城門死

俗幻生影空憂繞心塵曠於茲排四纏去矣求三涅下殿
下學輩留心方從窈冥別已悲境相空復作泡雲滅肩庚

吾右北城門沙門

前題

空病誠易愈有病故難痊徒知餌五色終當悲九泉王臺

鄉已無雲山草沈痲竟誰憐復悲淪苦海何由果淨天

諸葛嶼右東城門病

昔類紅蓮草自玩綠池邊今如白華樹還悲明鏡前下殿
壯心欲何在餘日乃西遷清樽不復樂蓬鬢豈還妍徐防

右南城門老

高堂信逆旅懷業理常牽玉匣方委襯金臺不復延肩庚

吾挽聲隨逕遠蘿影帶松懸詎能留十念唯應逐四緣

君右西城門死

經行林樹下求道志能堅既有神通力振錫遠乘烟李鏡

一登四弘誓至道莫能先不貪曠劫壽無論延促年

孔燾右北城門沙門

前題

纏痾緬百年自傷無五福長縈畫篋蛇不值仙人鹿下殿
習染迷畫瓶臥起求棲宿羅襦豈再歡臨岐方土木肩庚

五言古詩 卷四十一
五右東城門病

少年愛紈綺衰暮慙羅縠徒傷歲冉冉陳詩非郁郁王臺

卿鶴髮辭軒冕鮒背烹葵菽松柏稍相依懽愛時睦睦

李于鏡遠右南城門老

追念平生時遨遊上苑園一沒松柏下春光徒儵昱孔熹

結根素因假枝葉緣骨肉自應螻蟻驅值此風刀逐諸葛

禮右西城門死

俗繭厭纏絲因厨抽善穀長披忍辱鎧去此織羅服徐防

願引三塗衆俱令十使伏珠月猶沈首金鐔未挑目君

右北城門沙門

前題

紫紈未可得漳濱徒再離一逢犬馬病賁育罷驅馳李鏡

遠已無九轉術復闕萬金竒不看投疆掌唯夢蓮花池

君右東城門病

盛年歌吹日顧步惜容儀一朝衰朽至星星白髮垂孔熹

已傷萬事盡復念九門枝垂軒意何在獨坐鏡如斯庾肩

五右南城門老

一息於今罷平生詎可規天長曉露促千齡誰復知下殿

華堂一相捨松帳杳難窺萬祀藏珠應千年罷玉羈徐防

右西城門死

五言古詩 卷四十一 三十一
深心不可染正道亦難歆方除五欲累長辭三雅卮王臺
卿依空慮難靜習善路猶弛沒身竟靡託單孟詎待貲
諸葛嶷右北城門沙門

淨土詠

一作謝靈運無量壽佛頌

亡名氏

法藏長王宮懷道出國城願言四十八弘誓拯羣生淨
土一何妙來者皆清英頽年欲安寄乘化好晨征

賦詠百論捨罪福詩

劉孝綽

尋因途乃異及捨趣猶并苦極降歸樂樂極苦還生豈
非輪轉愛皆緣封著情一知心相濁樂染法流清

贈海法師遊甌山

蕭子雲

真心好丘壑偏悅幽棲人忽聞甌山旅萬里自相親次
寥晚霖霽重疊晴雲新秋至蟬鳴柳風高露起塵動余
憶山思惆悵惜荷巾

草堂寺尋無名法師

劉孝先

飛鏡點青天橫照滿樓前深林生夜冷複閣上宵烟葉
動花中露湍鳴闇裏泉竹風聲若雨山蟲聽似蟬摘果
仍荷藉酌水用花傳一卮聊自飲萬事且蕭然

和亡名法師秋夜草堂寺禪房月下

幽人住山北月上照山東洞戶臨松徑虛窓隱竹叢出
林避炎影步逕逐涼風平雲斷高岫長河隔淨空數螢

五言古詩 卷四十七 三十二
流暗草一鳥宿疎桐興逸煙霄上神閒宇宙中還思城
闕下何異處樊籠

登禪岡寺望和虞記室

何遜

南望南郭門拱樹梢雲密北窻北溱一作溱道重樓霧中

出接樹隱高蟬交枝承落日光陰不可捨懷抱何由悉

北寺寅上人房望遠岫翫前池

王筠

安期逐長往交甫稱高讓遠跡入滄溟輕舉馳昆閬良
由心獨善兼且情由放豈若尋幽棲卽日窮清曠激水

周堂下屯雲塞檐向閉牖聽奔濤開窓延疊嶂前階復

虛泐瀾迤成洲漲雨點散圓文風生起斜浪游鱗互澗

瀟羣飛皆哢吭蓮葉蔓田田菱花動搖漾浮光曜庭廡
流芳襲帷帳匡坐足忘懷詎思江海上

光宅寺

劉氏徐悱妻

長廊欣目送廣殿悅逢迎何當曲房裏幽隱無人聲

同江僕射遊攝山棲霞寺

陳後主

時宰礪溪心非關狎竹林鶯嶽青松繞雞峯白日沈天
迴浮雲細山空明月深摧殘枯樹影零落古藤陰霜村

一作夜鳥去風路一作露寒猿吟自悲堪出俗詎是欲一作

願抽簪

通士人篇

何處士

龍宮既入道鳳闕且辭榮禪龕八想淨義窟四塵輕香
蓋法雲起花燈慧火明自然忘有著非止悟無生

詠懷 三首

張君祖

運形不標異澄懷恬無欲座可棲王侯門可迴金轂風
來詠逾清鱗萃淵不濁斯乃玄中子所以矯逸足何必
翫幽閒青衿表離俗百齡苟未遐昨辰亦非促曠騰望
舒暎曩今迭相燭一世皆逆旅安悼電往速區區雖非
黨兼忘混礫玉恪神罔叢穢要在夷心曲

靈飈起回浪飛雲騰逆鱗苟擢南陽秀固集三造賓緬
懷結寂夜味藻詠終晨延佇時無遣誰與拂流塵眇情
寄極眇蕭條獨遨神相忘東溟裏何晞西朝津我崇道
無廢長誼想義人

遙遯播荆衡杖策憩南郢遭動透浪迹遇靖恬夷性拊
卷從老語揮綸與莊詠遐眺獨緬想蕭神飈塵正時無
喜惠偶絕韻將誰聽習一作君子茂芳標有欣徽音令穎
敷陵霜倩葩熙三春盛拂翮期霄翔豈與桑榆競我混
不材姿遺情忘雕暎雖非嶧陽椅聊以翮泗磬

道樹經讚

峨峨王舍國鬱鬱靈竹園中有神化長空觀體善權私
呵晞光景豈識真迹端恢恢道明玄解發至神歡飄忽

五言古詩 卷四十一 三十四
凌虛起無云受慧難

三昧經讚

迹超十二燒戒由三昧成賢行極妙住道志慧以明九
本既殊動四禪不同冥淵哉不起滅始自無從生借問
道氣倫安測泥洹靈

學中早起聽講

一作周弘直

周弘正

詰朝參下座閒步出重闈北堂月稍隱南枝鶴已飛早
霜垂靄靄初霧上霏霏嚴唱雖罷析高門尚掩扉既傷
年緒促復嗟心事違平生愛山海宿昔特精微未解輕
身去唯應下第歸

正德二年十一月十二日升德施山齋三宿決定

罪福懺悔詩

江總

四知無矯志二施啟幽心簡通避人物偃息還山林曲
澗停騶響交枝落幔陰池臺聚凍雪欄牖噪歸禽石彩
無新故峰形詎古今大車何杳杳奔馬遂駸駸何以修
六念虔誠在一音未泛慈舟遠徒令願海深

營涅槃懺

禎明二年仲冬攝山栖霞寺布法師只爾待終余以此月十七日宿昔入山仰為師氏營懺還途有此作

可否同一貫生死亦一條況期滅盡者豈是俗中要人
道離羣愴冥期出世遙留連入澗曲宿昔陟巖椒石溜

水便斷松霜日自銷向崖雲變隼出谷霧飄颻勿言無
大隱歸來卽市朝

遊鍾山之開善定林息心宴坐引筆賦詩

釋洪偃

杖策步前嶺褰裳出外扉輕蘿轉蒙密幽逕復紆威樹
高枝影細山盡鳥聲稀石苔時滑屣蟲網乍粘衣澗傍
紫芝曄巖上白雲霏松子排煙去堂生寂不歸窮谷無
還往攀桂獨依依

攝山棲霞寺山房夜坐簡徐祭酒周尚書并同遊

羣彥

江總

澡身事珠戒非是學金丹月磴時橫枕雲崖宿解鞍梵
宇調心易禪庭數息難石澗水流靜山牕葉去寒君思
北闕駕我惜東都冠翻愁夜鐘盡同志不盤桓

同令君攝山棲霞寺山房夜坐

徐孝克

戒壇青石路靈相紫金峰影盡皈依鶴餐迎守護龍晨
朝宣寶偈寒夜斂疎鐘雞蘭靜舍握仁智獨從容五禪
清慮表七覺蕩心封願言于此處攜手屢相逢

靜臥栖霞寺房望徐祭酒

江總

絕俗俗無侶修心心自齋連崖夕氣合虛宇宿雲羸臥
藤新接戶歆石久成階樹聲非有意禽戲似忘懷故人

市朝狎心期林壑垂唯憐對芳杜可以爲吾儕

仰和令君

徐孝克

上宰明四空迴車八道中洞涼容麥氣巖光對月宮香
來詎經火花散不隨風澗松無異聒禪桂兩分叢虛薄
誠爲累何因偶會同斲此垂山北猶可向墻東

別才法師於湘還郢北

何處士

乘杯事將遠捧袂忽無聊南楚長沙狹西浮郢路遙離
庭花已散別戍馬新驕明日分千里相思非一條

敬訓解法師所贈

道林俗之表慧遠廬之阿買山卽高世乘杯且渡河法

雨時時落香雲片片多若爲將羽化來濟在塵羅

答庾僧淵

張君祖

茫茫混成始豁矣四天朗三辰還須彌百億同一像靈

和陶氤氳會之有妙常一作長大慈濟羣生冥感如影響

蔚蔚沙彌衆粲粲萬心仰誰不欣大乘兆定於玄曩三

法雖成林居士亦有黨不見虬與龍灑鱗凌霄上沖心

超遠寄浪懷邈獨往衆妙常所睎維摩余所賞苟未體

善權與子同髣髴悠悠誠滿域所遺在廢想

贈沙門竺法頽

三首法頽遠還西山作詩以贈因亦嘲之省其二經聊爲之讚

鬱鬱華陽嶽絕雲抗飛峰峭壁溜靈泉秀嶺森青松懸

巖廓崢嶸幽谷正寥籠丹崖棲奇逸碧室禪六通泊寂
 清神氣綿眇矯妙蹤止觀著無無還淨滯空空外物豈
 大悲獨往非玄同不見舍利弗一作佛受屈維摩公
 至人如影響靈慧陶億劫應方恢權化兆類蒙慈悅冥
 冥積塵昧永在巖底閉廢聰無通照遺形不洞滅明哉
 如來降豁矣啟潛穴幽精淪朽壤孰若阿維察遙謝晞
 玄疇何為自矜潔

邈邈慶成標峨峨浮雲嶺峻蓋十二嶽獨秀閭浮境丹
 流環方基瑤堂臨峭頂澗滋甘泉液崖蔚芳芝穎翹翹
 羨化倫眇眇陵巖正肅拱望妙覺呼吸晞齡永苟能夷

沖心所憩靡不淨萬物可逍遙何必栖形影勉尋大乘
 軌練神超勇猛

代答張君祖

二首序曰省贈法願詩經通妙遠疊
 疊清綺雖云言不盡意始亦幾矣夫
 詩者志之所之意迹之所寄也忘妙玄解神無
 不暢夫未能冥達玄通者惡得不有仰鑽之詠
 哉吾想茂得之形容雖栖守殊塗標寄玄同仰
 代答之未足盡美亦各言其志也其辭曰

庾僧淵

真朴運既判萬象森已形精靈感冥會變化靡不經波
 浪生死徒彌綸始無名捨本而逐末悔吝生有情胡不
 絕可欲反宗歸無生達觀均有無蟬蛻豁朗明逍遙眾
 妙津栖凝於玄冥大慈順變通化育曷常停幽閒自有

五言古詩 卷四十一 三十一
所豈與菩薩并摩詰風微指權道多所成悠悠滿天下
孰識秋露情

遙望華陽嶺紫霄籠三辰瓊巖朗壁室玉潤灑靈津丹
谷挺樛樹季穎奮暉薪融飈衝天籟逸響互相因鸞鳳
翔迴儀虬龍灑飛鱗中有沖漠士耽道玩妙均高尚凝
玄寂萬物息自賓棲峙遊方外超世絕風塵翹想晞眇
蹤矯步尋若人咏嘯舍之去榮麗何足珍濯志入解淵
遼朗豁冥神研幾通微妙遺覺忽忘身居士成有黨顧
盼非疇親借問守常徒何以知反真

春日從將軍遊山寺

何處士

蘭庭厭俗賞奈苑矚年華始入香山路仍逢火宅車慈
門數片葉道樹一林花雖悟危藤鼠終悲在篋蛇

入攝山栖霞寺

序日壬寅年十月十八日入攝山
栖霞寺登岸極峭頗暢懷抱至德

元年癸卯十月二十六日再遊此寺布法師施
菩薩戒甲辰年十一月二十五日奉送金像還山
限以時務不得恣情淹留乙巳年十一月十六
日更獲禮拜仍停山中宿永夜留連棲神竦聽
但交臂不停薪指俄謝率製此篇
以託即日俾後來賞者知余山志

江總

淨心抱冰雪暮齒逼一作桑榆太息波川迅悲哉人世

拘歲華皆採獲冬晚共嚴枯濯流濟八水開襟入四衢
茲山靈妙合當與天地俱石瀨乍深淺崖煙遞有無缺
碑橫古隧盤木臥荒塗行行備履歷步步鞿一作威紆

高僧迹共遠勝地心相符
樵隱各有得丹青獨不渝
遺風佇芳桂比德喻生芻
寄言長往客悽然傷鄙夫

重遊攝山栖霞寺

序曰禎明元年太歲丁未四月十九日癸亥入攝山展慧布法師憶謝靈運集還故山入石壁中尋曇隆道人韻今此拙作仍學康樂之體

霹靂時雨霽清和孟夏肇栖宿
綠野中登頓丹霞杪敬仰高人德
抗志塵物表三空豁已悟萬有一
何小始從情所寄冥期諒不少
荷衣步林泉爽氣涼昏曉乘風面
泠泠候月臨皎皎烟崖憩古石
雲路排征鳥披逕憐森沈攀條惜
杳裊平生忘是非朽謝豈矜矯
五淨自此涉六塵庶無擾

入龍丘巖精舍

法堂猶集鴈仙竹幾成龍
聊承丹桂馥遠視白雲峰
風牕穿石竇月牖拂霜松
暗谷留征鳥空林徹夜鐘
陰崖未辨色疊樹豈知重
溘此哀時命吁嗟世不容
無由訪詹尹何去復何從

遊虎丘山精舍

庚寅年二月十二日作

縱棹憐迴曲尋山靜見聞
每從芳杜性須與俗人分
貝塔涵流動花臺徧嶺芬
蒙龍出簷桂散漫繞牕雲
情幽豈狗物志遠易驚羣
何由狎魚鳥不願屈玄纁

經始興廣果寺題愷法師山房

息舟候香埠，悵別在寒林。竹近交枝亂，山長絕逕深。輕
飛入定影，落有踈陰。不見投雲狀，空留折桂心。

明慶寺

十五詩書日

十軒冕年名山極，歷覽勝地殊。留連幽

厓聳絕壁洞

馮飛泉，金河知證果。石室乃安禪，夜梵

聞三界，朝香徹九天。山階步皎月，澗戶聽涼蟬。市朝霑

草露，淮海作桑田。何言望鍾嶺，更復切秦川。

同庾中庶肩吾周處士弘讓遊明慶寺

沈炯

鷲嶺三層塔，菴園一講堂。馴鳥逐飯磬，狎獸繞禪牀。摘

菊山無酒燃，松夜有香。幸得同高勝，於此瑩心王。

從遊天中寺

應令

福界新開草，名僧共下筵。楊枝生拱樹，錫杖呪飛泉。石

座應朝講，山龕擬夜禪。當非舍衛國，賣地取金錢。

陪衡陽王遊耆闍寺

張正見

甘棠聽訟罷，福宇試登臨。兎苑移飛蓋，王城列玳簪。階

荒猶累玉，地古尚填金。龍橋丹桂偃，鷲嶺白雲深秋牕。

被旅葛，夏戶響山禽。清風吹麥隴，細雨濯梅林。

遊鍾山開善寺

陰鏗

鷲嶺春光遍，王城野望通。登臨情不極，蕭散趣無窮。鶯

隨入戶樹花逐下山風棟裏歸雲白
牕外落暉紅古石
何年臥枯樹幾春空淹留昔未及
幽桂在芳叢

前題

徐伯陽

聊追鄴城友躡步出蘭宮法侶殊
人世天花異俗中鳥
聲不測處松吟未覺風此時超愛
網還復洗塵蒙

遊巴陵空寺

陰鏗

日宮朝絕磬月殿夕無扉網交雙
樹葉輪斷七燈輝香
盡奩猶馥幡塵盡漸微借問將何
見風氣動天衣

和崔侍中從駕經山寺

北齊蕭愨

鈎陳夜警微河漢曉參

一作縱

橫游騎騰文馬前驅轉翠

旌野禽喧曙色山樹動秋聲雲表
金輪見巖端畫拱明
塔疑從地涌蓋似積香成泉高下
溜急松古上枝平儀
台多壯思麗藻蔚緣情自嗤非照
廡一作乘何以繼連城

奉和法筵

應詔

周庾信

五城隣北極百雉壯西昆鈎陳橫
複道闔闔抵靈軒千
柱蓮花塔由旬紫紺園佛影胡人
記經文漢語翻星窺
朱鳥牖雲宿鳳凰門新禽解雜嘯
春柳臥生根早雷驚
蟄戶流雪長河源建始移交讓徽
音種合昏風飛扇天
辯泉湧屬絲言羈臣從散木無以
預中天遙可望
終類仰鷗弦

奉和闡弘二教 應詔

五明教已設三元法復開魚山將鶴嶺清梵兩邊來香
煙聚為塔花雨積成臺空心論佛性貞氣辨仙才露盤
高掌滴風鳥平翅迴無勞問一作訪待詔自識昆明灰

和何儀同講竟述懷

無名即講道有動定論機一作參微安經讓禮席正業理儒
衣似得遊馬趣能同捨講歸石渠人少歇華陰市暫稀
秋雲低晚氣短景側餘輝螢排亂草出鴈捨斷蘆飛別
有平陵逕蕭條客鬢衰饑噪空倉雀寒驚懶婦機實欣
懷謏問逢君理入微

五苦詩

釋亡名

可患身為患生將憂共生心神恒獨苦寵辱橫相驚朝
光非久照夜燭幾時明終成一聚土強覓千年名右生苦
少日欣日益老至苦年侵紅顏既罷豔白髮寧久吟階
庭唯仰杖朝府不勝簪甘肥與妖麗徒有壯時心右老苦
拔劍平四海橫戈却萬夫一朝牀枕上迴轉仰人扶壯
色隨肌減呻吟與痛俱綺羅雖滿目愁眉獨向隅右病苦
可惜凌雲氣忽隨朝露終長辭白日下獨入黃泉中池
臺既已沒墳隴向應空唯當松柏裏千年恒勁風右死苦
誰忍心中愛分為別後思幾時相握手嗚噎不能辭雖

五言古詩 卷四十一 四十三
言萬里隔猶有望還期如何九泉下更無相見時

右愛離

五盛陰詩

先去非長別後來非久親新墳將舊塚相次似魚鱗茂
陵誰辨漢驪山詎識秦千年與昨日一種併成塵定知
今世上還是昔時人焉能取他骨復持埋我身

明慶寺石壁

王褒

夏水懸臺際秋泉帶雨餘石生銘字長山久谷神虛

雲居寺高頂

中峯雲已合絕頂日猶晴邑居隨望近風煙對眼生

和從駕登雲居寺塔

庾信

重巒千仞塔危磴九層臺石關恒逆上山梁乍斗迴堦
下雲峯出窓前風洞開隔嶺鍾聲度中天梵響來平時
欣侍從於此暫徘徊

捨舟登陸示慧日道場玉清玄壇德衆

隋煬帝

天淨宿雲卷日舉長川日颭洒林花落逶迤風柳散孤
鶴近追羣啼鶯遠相喚蓮舟水處盡畫輪途始半江滄
各自遙東西並興嘆已熏禪慧力復藉金丹捍有異三
川遊會非四門觀於焉履妙道超然登彼岸

謁方山靈巖寺

梵宮既隱隱靈岫亦沈沈平郊送晚日高峯落遠陰廻
旛飛曙嶺疎鐘響晝林蟬鳴秋氣近泉吐石溪深抗
禪枝地發念菩提心

奉和

諸葛穎

名山鎮江海梵宇駕風煙畫棋臨松蓋鑿牖對峯蓮雷
出階基下雲歸梁棟前靈光辨晝夜輕衣數劫年一陪
香作食長用福爲田

和盧贊府遊紀國道場

釋慧淨

日光通漢室星彩晦周朝法域從此構香閣本峇巉珠
盤仰承露利鳳俯摩霄落照侵虛牖長虹拖跨橋高才

暫騁目雲藻遂飄颻欲追千里驥終是謝連鑣

和琳法師初春法集之作

鷲嶺光前選祇園表昔恭哲人共通式弘道會羣龍高
座登蓮葉塵尾振霜松塵飛揚雅梵風度引疎鐘靜言
澄義海叢論上詞鋒心虛道易合跡廣席難重和風動
淑氣麗日啟時雍高才揆雅什顧已濫朋從因茲仰積
善靈華庶可逢

生忍頌

無名釋

玄亮吐清氣神響徹幽聾登基發春詠高興希避蹤乘
虛感靈覺魚山振思童摹寫天歌梵龔布法音同志高

故不下颿颿數仞中比丘歌聲咀人畜振心鍾斯由暢
玄句卽感寫遊空神期發筌悟豁爾靈通

順益頌

駮驥資鞭策蘭蕙佇薰風至理信難見非人孰可通輪
心仰圓極瑩麗入玄中總轡超三有搏飛上四空簪纓
猶幻夢財利若塵蒙高揖謝時俗瀟灑出樊籠

禪暇

峩峩王舍城鬱鬱靈竹園中有神化長巧誘入幽玄舍
人募授福惡友樂讐怨善惡升沈異薰蕕別露門

送舍利宿定晉巖

孔德紹

仁祠表虛曠祗園展肅恭棲息翠微嶺登頓白雲峯映
流看夜月臨風聽曉鐘澗芳十步草崖陰百丈松蕭然
遙路絕無復市朝蹤

緇素知友祖道新林去留哀感賦詩

釋曇遷

平生本胡越閩吳各異津聯翩一傾蓋便作法城親清
談解煩累愁眉始得伸今朝忽分手恨失眼中人子向
涇河道慧業日當新我住邗江側終爲松下塵沉浮從
此隔無復更有因此別終天別迸淚忽霑巾

言離廣府還望桂林去留愴然自述贈懷

釋玄達

標心之梵宇運想入僊洲
嬰痼乖同好沈情阻若抽
葉落乍難聚情離不可收
何日乘杯至詳觀演去流

遊明慶寺悵然懷古

姚察

地靈居五淨山幽寂四禪
月宮臨鏡石花讚繞峯蓮
霞暉間旛影雲氣合爐煙
迥松高偃蓋水瀑細分泉
含風萬籟響哀露百花鮮
宿昔尋真趣結友亟留連
山庭出蘿薜澗止濯潺湲
因斯事熏習便得息攀緣
何言遂雲雨懷此悵悠然
徒有南登望會逐東流旋

從駕經大慈照寺

盧思道

玄風冠東戶內範軼西陵
大川開寶匣福地下金繩
繡栴高可映畫栱疊相承
日馭非難假雲師本易憑
陽室疑停燧陰軒類鑿水
迥題飛星沒長楣宿露凝
旌門曙光轉輦道夕雲蒸
山祇効靈物水若薦休徵
薄命叨恩紀微軀竊自陵
優游徒可恃周賚永難勝

展敬上鳳林寺

薛道衡

淨土連幽谷寶塔對危峯
林棲丹穴鳳地邇白沙龍
獨巖樓迥出複道閣相重
洞開朝霧歛石濕曉雲濃
高篠低雲蓋風枝響和鐘
簷陰翻細柳澗影落長松
珠桂浮明月蓮座吐芙蓉
隱淪徒有意心迹未相從

登白馬山護明寺

孔德紹

名岳標形勝危峯遠鬱紆成象建環極大壯闡規模層
 臺聳靈鷲高殿邇陽烏暫同遊園苑還類入僊都三休
 開碧題嶺一作萬戶洞金鋪攝心罄前禮訪道挹中虛一作
 遙瞻盡地軸長望極天隅白雲起梁棟丹霞映棋櫺
 露花疑濯錦泉月似沈珠今日桃源客相顧失歸塗

詩所第四十七卷 終



卅811.12

2342